

## 15. uerdentlech Generalversammlung vum Flyfishing Club aus Lëtzebuerg



Freides den 9. März 2012 haten mir eis zu Rolléng op den Fëschweiheren beim Cindy an beim Andy getraff fir an engem sympatheschen Kader eis uerdentlech Generalversammlung ofzehalen. Virum offiziellen Deel ass fir unzufänken ewei ëmmer eemol ee bëssen gepootert an den leschten Beschass ausgetosch gën.



Duerno sin mir dann zum offiziellen Deel iwwer gaangen. Et haten sech leider net ganz vill Memberen dëst Joër anfond wat ee bëssen Schued wor emsou méi ewell mir dëst Joër fir déi éischten Kéier eis Generalversammlung zu Rolléng op den Fëschweiheren ofgehalen hun, dëst an engem Kader deen engem Club vun Fëscherkollegen wirdég ass. Mir hun dëst



Joër schon hei eis Bannkuren, déi vum Méckenjang an vum Raym Paulus organiséiert gin, iwwer Wanter ofgehalen an hun eis vun Unfank aus un Doheem gefillt, esou dass et nëmmen logesch ass dass mir als Veräin och unstriewen offiziell eis Heemecht op dëser Plaz ze fannen, andeems mir eisen siége social wëllen heihinner verleën.

Ungefaangen huet d'Generalversammlung mat der Begréissung duurch eisen Präsident, den Jean – Jaques May. Hien huet dat vergaangend Joër ee bëssen rekapituléiert an allen Memberen "Merci gesot" déi mat hiren Présencen mat dobäi zougedroën hun dass mir zesummen konnten esou vill schéin Stonnen beim Waasser verbréngen. Den Jeek huet och an ee puer Wieder déi formidabel Aarbecht vum Komité gewirdegt an andeems Hien een speziellen Merci un eisen Sekretär, den Arendt Erny, ausgeprach huet deen ëmmer déi meeschten Aarbecht am Laaf vun Joër ze verrichten huet, d'Wuert un dësen weidergin. Den Erny huet Eis den neien Programm virgestallt an huet och vun senger Säit aus dat vergaangend Joër nach éng Keier opliewen geloos. Als drëtten Riedner wor et dun um Kassenrevisor, den Carlo Mack. Dësen huet eis ausféierlech den Bilan vum vergaangenen Joër gezun, dëst op déi Him eegen akribesch an awer symphatesch Art an Weis an nodeems den Carlo sech ee bëssen erläng geloos gefillt huet bei senger Missioun fir d'Kees ze kontrolléieren huet dun den Yvon Ierpeldéng Him seng Ënnerstetzung fir d'nächst Joër zougesot. Den Präsident huet duerno missen verschidden Demissiounen aus dem Komité verkënden, dëst net ouni den langjäehregen Komitésmemberen déi zeréckgetrueden sin fir déi geleeschten Aarbecht villmols Merci ze soën. Déi austriedend Komitésmemberen sin duerno unanym an hirer Missioun erëmgewielt gin an den Jeek huet een Opruff gemeet un all Memberen déi gewëllt wäeren am Komité matzeschaffen, sech beim Komité ze mëllen. Den nächsten Punkt um Programm wor déi alljäehrléich Ëierung vun den Gewënner vum Clubfëschchen. Hei hat den Raymond Paulus mat senger drëtten Plaz gewisen dass Hien net nëmmen formidabel Mécken bannen kann mee och wees ewei een domader Fësch fänkt. Den Andy Schrank, eisen Rookie, huet mat der ereechtener zweeten Plaz d'Laat ganz schéin héich geluecht an kann sech elo am nächsten Joër net méi vill no Uewen verbessern. Genée ewei am leschten Joër wor et awer erëm den Luss deen déi meeschten Chance hat.



3. Plaz den Raymond Paulus



2. Plaz den Andy Schrank



den Clubmeeschter den Luss



Duerno ass och den Präis verdeelt gin fir den décksten Fësch deen am Laaf vum leschten Joër während dem Championat gefaangen gin wor. Dëst Joër haten mir zwee Lauréaten déi sech den Präis hun missen deelen. Och hei huet sech den Andy hervir gedoen mée doderniewt wor et awer deen aalen Fuus, den Yvon, deen dem Andy den Bass gehalen huet.



den Yvon an den Andy

Ofschléissend hun mir dun och erëm eng aal Traditioun opgegraff déi leider an den leschten Joëren verluer gaangen wor. Den Luss huet eng flott Iddi vum Bevot Robert erëm opliewen geloos andeems Hien dëst Joër erëm ee Film mat den Sortiën vum vergaangenen Joër virgefouert huet. Esou hun mir déi ofgelaafen Fëschsaison Revue passéieren geloos an bei énger zünfteger Quiche Lorraine vum Cindy ass esou munech Anekdote nach eng Kéier fir d'Zweet erliewt gin.

